



PROCESO SELECTIVO CONVOCADO PARA A PROVISIÓN DE TRES PRAZAS DA CATEGORÍA DE POLICÍA, DA ESCALA BÁSICA DE ADMINISTRACIÓN ESPECIAL, GRUPO C, SUBGRUPO C1, DA OFERTA DE EMPREGO DE 2010 POLO SISTEMA DE OPOSICIÓN LIBRE

ANUNCIO RELATIVO AO RESULTADO DO PROCESO SELECTIVO

(EXECUCIÓN DA SENTENZA DO TRIBUNAL SUPERIOR DE XUSTIZA DE GALICIA 00407/2014)

Acaída a sentenza do Tribunal Superior de Xustiza de Galicia 00407/2014 na que se indicaba:

*"FALLAMOS que con acollimento en parte do recurso de apelación interposto contra a sentenza número 193/2013, de 24 de xullo de 2013, ditada polo xulgado do contencioso-administrativo número 3 de Pontevedra, en autos de procedemento abreviado número 305/2012, debemos revogar e revogamos a mesma, e no seu lugar, estimamos en parte o recurso contencioso-administrativo formulado por silencio administrativo do recurso de alzada interposto contra a resolución de 4 de xaneiro de 2012 que o declara "non apto", adoptada polo tribunal cualificador do proceso selectivo convocado polo Concello de Pontevedra para a provisión de tres prazas da categoría de Policía da escala básica de Administración Especial, grupo C, subgrupo C1, da Oferta de Emprego Público do Concello para o ano 2010, que se anula en parte, acordando a retroacción das actuacións do proceso selectivo ao momento de areación do CTC do recorrente para que se axuste á valoración estandarizada no Manual dos parámetros "valor medio" e "desviación típica", segundo a nota que aparece a pé de páxina do cuestionario "Nota S: escala típica con M=50 e Dt=20" e, segundo o resultado ("apto" ou "non apto"), se continúen ou finalicen os subseguintes trámites; ..."*

O Tribunal do proceso selectivo, requirido pola Concellaría de persoal e réxime interior do Concello de Pontevedra, procedeu á execución nos seus estritos termos da indicada sentenza, sendo o acordo acadado o seguinte:

Primeiro. En base ao informe técnico emitido pola perito psicóloga, dona María Sanluís Ferradás, e aplicando os criterios de cualificación establecidos na base Doceava, apartado c) das Bases do proceso selectivo arriba indicado, califícase como "non apto" no cuarto exercicio do proceso ao recorrente, don Carlos Álvarez Álvarez.

Segundo. En virtude do principio de conservación de actos administrativos, e de conformidade co disposto no texto mesmo da sentenza do TSX de Galicia 00407/2014, de data 18 de xuño de 2014, considéranse válidos todos os trámites, realizados por este Tribunal, subseguintes do proceso selectivo para a provisión de tres prazas da categoría de policía, da escala básica de administración especial, grupo C, subgrupo C1, da oferta de emprego 2010 polo sistema de oposición libre, xa realizados no momento inicial de execución do proceso.

Terceiro. Que pola secretaria se proceda a publicar o resultado deste proceso facendo indicación dos dous extremos acordados nos puntos anteriores.

Cuarto. Dar por finalizado neste punto o proceso selectivo indicado, considerando executada en todos os seus extremos a sentenza do TSX de Galicia 00407/2014 de 18 de xuño de 2014.

Pontevedra, 29 de decembro de 2014

A secretaria do Tribunal

Aurora Santiago Boubeta